



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel IX. Van sommighe feyten by den Graue van Lumme  
naer-der-handt bedreuen, ende eerst van vier Religieusen te  
Schoon-houen ghedoodt.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

naem van eenen Propheete/ sal oock krijgen den loon van eenen Propheete: waer-om en soude hy niet krijghen den loon van eenen Martelaer / die de Martelaeren met soo vele ghedienstigheden heeft ver-eert? Hier-om dunckt my dat veur alle Godt-vzuchtighe menschen blyckelijck genoegh is/ hoe dat Godt oock in desen man de glozie van sijn Martelaeren heeft willen verclaeren.

## CAPITTEL IX.

Van sommighe feyten by den Graue van Lumme naer-der-handt bedreuen, ende eerst van vier Religieusen te Schoon-houen ghedoodt.

**M**er laet ons propost draeyen van den vereerder der Martelaeren tot den verbolgher der seluer / te weten den Graue van Lumme / op dat wy oock in sijn doot moghen onder-kennen de Goddelijcke ghetuyghenisse veur de Heyligē. Want ist laecke dat heylighe ende kerckelijcke schrijuers wel ende wijselijck hebben met grooter neerstighepdt beschreuen de leelijcke / schroomelijcke ende vzemde manieren van steruen van Antiochus / Herodes / Maximianus / Maximus ende vele andere die de goede menschen hebben verbolghet / op dat de Leser daer upt soude verstaen / hoe seer dat sy Gode aen-ghenaem waren / welker ongherechtighe verdrukkinghen ende vermoordinge hy in dese teghenwordighe wereldt al-soo ghewroken heeft: soo laete ick my duncken / dat in dit punct veur onse Martelaeren seer goede ghetuyghenisse ghegeuen wordt. Dan eer ick het eynde van desen man upt-legghen sal / soo moet ick verhaelen sommighe andere stukken / die hy naer de doot van onse Martelaeren seer ongoddelijck en wreedelijck teghen de dienaers Gods

Godts bedreuen heeft. Het welck oock niet en sal  
 buyten schyue loopen / niet alleen om dat wy bes-  
 schyuen de hystorie der Martelaeren / maer oock  
 om dies wille dat dese daer wy nu af sullen spreken  
 ghelijck sy naer onse Martelaers zijn gheweest / al-  
 soo hebben sy onser Martelaeren vromighepdt ende  
 stantachtighepdt / ter-stondt als sy daer tydinghe af  
 verstaen hebben / met hunne heerlijcke en by-naer  
 Goddelijcke ghetupghenissen verciert. Naer-de-  
 mael dan dat het eerste beginsel vande myterije en  
 cruellighepdt mettē Graue van Lumme indē Bziel  
 soo wel ghelucht was / is hy allenghskens voordts  
 gheromen tot in't diepste van Hollandt / vertoonen-  
 de sy-seluen ouer al sulcks als hy was / te weten een  
 wreedt mensche / dorstende naer het bloedt van  
 Priesters ende Geligieusen. Soo dan omtrent den  
 eersten daghe Octobris heeft hy belegghert ende by  
 ouer-gheuinghe inne-ghenomen een cleyn stedeken  
 gheleghen opden cant vanden Ghijn / ghenoeemt  
 Schoon-houen / hebbende besproken ende ghelwo-  
 ren dese conditie: Dat de borgers souden behouden  
 het ghebruyck vande Catholycke religie / ende dat  
 alle priuilegien soo van personen als gheestelijcke  
 plaetsen ongheschendt souden bliuen: van alle wel-  
 ke dinghen de meyn-eedighe mensche niet met allen  
 ghehouden en heeft. Want niet langhe daer naer  
 heeft hy deur sijn soldaeten/dienaers van sijn godde-  
 loos deur-nemen/de kercken van dier plaetsen ghe-  
 schendt / de outaeren om verre gheworpen / de bel-  
 den Christi ende der Heplighen in stukken ghesme-  
 ten / den heplighen huyl-raedt berooft / de Sacra-  
 menten met voeten ghetreden: soo verre wast van  
 daer dat hy den Catholycken eenigh exercitie van  
 hunne religie soude toe-ghelaeten hebben / ghelijcker  
 besproken was. Oock heeft hy hem met sijn ghe-  
 selschap

selschap weder-om gaen beueen tot sijn ghewoos-  
 nelijcke maniere van Godts dienaers te pinnighen.  
 Daer was bupten der stadts vesten ghelighen een  
 seer schoon clooster van Reguliers / ghenoeemt sinte  
 Michiels-bergh / ghemeynelyck gheheeten Dem-  
 mense. De Religieusen van t'selue clooster waren  
 midts den op-val der vyanden binnen der stad ver-  
 trocken. Maer daer sy meynden beste versekerheit te  
 zijn / daer zijn sy aller-qualityckste ghetracteert ghe-  
 weest. Een van hen ghenoeemt B. Dierick / van  
 der Gouw ghebozen / is vande boose soldaeten met  
 vele wonden deur-steken ende vermoordt gheweest.  
 Twee andere / B. Jacob oock van der Gouw /  
 Suppriez van't clooster / ende B. Cornelis van  
 Schoon-houē / zijn aen eenen note-boom tegē ouer  
 het stadthuis staende ghehanghen en verwozght  
 gheweest. Tot dese drie is de vierde by ghecomen  
 uyt het selue clooster / B. Gaspar ghenoeemt : dien  
 dese barbarische menschen ( niet sonder groot me-  
 de-lijden van de ghene die't aen-saghen ) ghebonden  
 hebben aen den steert van een peerdt / ende al-soo  
 ghetrocken tot der Gouw / een stad omtrent twee  
 mylen van Schoon-houen gheleghen / de welcke  
 ouer vier maenden deur verraderije van sommighe  
 quaedt-willighe was ghecomen onder de magyt  
 vande Scusen. Daer hebben sy B. Gaspar ghe-  
 hanghen aenden spriet van een schip / d'welck daer  
 lagh inde riuere vande Aelt bupten der stad ende  
 teghen-ouer het Casteel / hebbende hem soo dick-  
 wils op-ghetrocken ende neder-gelaeten / tot dat hy  
 achter-naer synen geest gegeuen heeft / en al-soo het  
 lichaem al-daer eenige daghen ten toone laten hang-  
 ghen. Dit hebben dese vier gheleden anders nerghe-  
 ringhs om / dan om dat sy Catholijcken / Religieu-  
 sen / ende Priesters waren.